



刻孟有涯集序

杜柟曰嗚呼此孟有涯手藁也有涯名洋字望之登弘治乙丑進士歷官南京大理寺卿事詳傳誌捐館之明年我浚川王公收輯是錄釐爲若干卷語諸柟曰孟有涯所爲文皆依稀古人後必傳吾子序之柟曰噫昔癸未八月柟以外艱山居有涯過我談藝文信宿而去其高懷貞義有如此者今特見其藁耳尚忍序之哉序曰有涯負竒氣明達不群常

以言譴謫走遐荒瘴癘地顛頓軼軻蓋自是
探賸思苦即屬辭純密駸駸然望古人閫闕
矣讀是集者標格氣骨碩有渠馭調逸興遯
罔有流易可謂博雅君子垂老不惑者也昔
人謂子長史記在山川歷覽雲卿詩在遭貶
嶺南後不其然歟遐哉邈乎風雅旣亡漢魏
不作大曆以降沿時溺俗者暮暮然也我
朝幾六世于茲自弘治以來二三君子思詣
精微力變蘇黃追初唐而上之時或間有向

往者顧體裁初訂力量鮮及亦有憚難悅易
信今而疑古者有涯以何仲默姊丈朝夕接
談貫綜罔愆遂克底名家然則乙丑之後若
有涯篤信崇古者豈可多得君子謂海內人
士翕然丕變綽綽休風循流遡源後世必有
定論云有涯不可作矣浚川常發諸噫歎真
若骨肉遂梓是以不朽有涯豈非氣類相感
懷舊章賢乎哉古之人有終身著述名沉無
知已至死罔聞即有聞或不再葉竟湮沒耳

矣是集一傳若神劔寶鼎發諸埋設諸庭堂
茂有弗見見茂有弗敬者文哉有涯足以不
朽矣而年而位亦何足計

嘉靖乙未秋七月望研岡杜構序

孟有涯集目錄

卷之一

四言古詩一首

卿雲弁序

古樂府十四首

戰城南

羊觸人

七夕詞

鳴雁行

北風行

行路難

將進酒三字至七字

揚花篇

雉過江

湘妃怨

愚父行

秋塘行

古城行

妾薄命

楚調二首

贈陳文相

東園歌

卷之二

五言古詩三十四首

虎丘效陰常侍體

別家

海山吟

海山謠

宿華陰懷馬侍御按節河中

答劉子潤之

南浦

十六夜月

採蓮曲

別李獻吉

貽友人

送唐仁夫

送王子衡巡按陝西得倚字

壽成母

贈朱生

贈初生從呂子游還潛江四首

中秋聞邊報

荅三子三首

田勤甫
戴仲鵬

劉子靜

詠古二首

贈郭侍御北還四首并序

送毛給事赴南都

送梁明府

已外南昌之變瑞守宋君死之

黃蘆嶺

追懷張徵君

卷之三

七言古詩十七首

漢中太守行贈潘伯振

望京華

別馬君卿尹固安

鳳簫篇贈羅侍御

送鍾廣州賦得越王臺

夜泊石頭口

雨雪吟

沽酒行贈牟韋二撫君

顧全州見邀江水漲不能赴

送殷近夫尹靖江

遲賢亭觀邊劉谷王四子遊泰山回題

壁之作

客有爲余道京師故事者感而賦傷歌行
李子自沔陽貽詩及古製青羅巾以長
句酬之聊暢中情永懷疇昔

公署雪後無聊張時濟以桑落酒至對
飲成醉爲醉歌行

嘯歌行別劉郎

題畫

輓王復齋憲副

湘水歌并序

卷之四

七言古詩十八首

鴈門太守行

人日

漢宮詞

刈麥行

再過政平飲王介卿宅

壽邵黃門母

送洗侍御歸養

舟過城陵磯悼內兄舊巴陵尹

瀟湘行

送平樂李太守致仕還汝陽

桂對行奉壽西巖先生

題宋徽宗杏花錦雞圖

天馬行同唐荆川太史遊普濟寺作

風木歌

松栢行為洞雲張封君雙壽

送周玉巖侍郎入賀 萬壽節

送僉憲李君惟大入關中

題竹山

卷之五

五言律詩九十二首

發上谷

明如曲

除日

除夕

元日

征婦怨

別都玄敬主事改南京禮部

靈濟宮二首

過張元德戶部同邃伯二首

無題

王九日次邊青厓太常韻

冬雨

隱者

別李獻吉還大梁四首

雨

穀日集大慈恩寺

答沐陽王明府寄書

弘法寺別送行諸友

宿良鄉寺中

平野

邯鄲

哭妻父

過懷慶贈潘推府同年

懃冷泉寺

約蘇天秀年兄會鳴謙驛

榆次縣蘇天秀宅會田汝觀年兄

井陘別劉伯耕

河

悽愴

中元

庚午秋再過寧州秦用寧庄

臆日

韓汝慶宅對雪憶馬君卿

元宵

元宵後聞鴈

別邊荊州庭實得寒字

隣鶴示蔡生汝培

弘慈寺訪羅侍御不遇

送周節判還山東

劉童子

送柴宗周

同劉子靜伯仲慶壽寺齋居

送韓汝節

臨清別鄭真外入京

荅何仲默清明見貽

玉河柳

暮春四首

遊崇福寺遲同往諸君子二首

四月陳山人院內牡丹

盡

秋鴈

十八夜月

九日朝天宮

秋夜過韓汝慶

出京

舟中聞何粹夫內翰外補

酬甯伯東僉憲遊龍泉寺見示

雨中期馮都憲高太守甯僉憲遊賢隱寺

賢隱寺限韻時余將往桂林

宿堅山寺何仲默有讀書樓

烟中四馬道長

閑居

悶中寄顧全州華玉

壽松坡母

次韻何仲默見寄

不寐

荅黃橫州年兄寄書

端午日述懷

納涼

贈東山

同顧二刺史遊柳山祠

入嶽

宿上封寺喜晴

登祝融峰

謁胡文定公書院

南臺寺貽鄉僧無礙

黃刺史同登岳陽樓三首

月牙岩

宿長安驛夢啖檳榔

晚抵洪山寺宿簡王夢弼侍御二首

卷之六

五言律詩八十八首

正月不見梅示陳生惟允

人日二首

毛侍御汝厲按湖南道出嘉興賦別三

首

劉遠夫同遊金山寺

歲暮

舟經三湖憶李川甫

亡妹誕日

曉發灃州

用五清韻弔屈原

石首訪趙從之時四川副使

懷馬敬臣時山西副使

懷田勤父時山西無事

追悼王宗哲鴻臚

懷崔子鍾

時在告居鄴

懷張仲修

時謫判晉州

衡山王書堂宴集二首

春雪二首

別汪兪憲汝成

酬馬百愚過訪

秋盡田家

荅馬君儲訪蘇方二子見示

經沛弟墓

喜雨

賢隱寺懷李獻吉嘗遊此留題

懷何仲默

送林太守致仕

簡孫兵憲用之約遊賢隱寺

出門

光州道中卽事

雪霽辛氏莊泛舟

和久菴少宗伯齋居

奉和王欽佩提學遊賢隱寺

又和登賢首山二首

約張子言遊山庄雨不果移酌宅內西

軒

西軒別張子言限韻

遊張生園池因憶申臺少卿

東寺送胡通判宗器之松江

九月晦夜對菊

宴別李獻吉

過東明會葛明府如京

獻吉席贈田六

贈熊進士爵使甘州還

贈邊太常赴南都定韻

憂旱

喜雨

奉輓馮中丞夫婦二首

遊張園有懷申臺少卿

次韻君卿侍御同遊袁揮使山莊
馮宗程靜觀堂落成過飲分韻

東郊雨後二首

山居雜興十首

過武昌懷劉參之侍御

雨

喜晴

別殷靖江限韻

重過康莊驛

訪龍洞

遊泰山

駕出南郊

輓劉處士

董學士借舟徐蘇州有珠燈

簡劉廉使元瑞二首

過無錫簡顧少參與成

雨花臺

天寧寺

青龍寺留別送行諸君子

惠泉寺留別顧與成得情字

病中立春戲呈郡僚諸公

別胡茂卿推府往吳興兼呈劉養和太

守

次韻馬君卿雨中懷竹塢

卷之七

五言律詩四十七首

送馬二侍御入京

行臺雨後

中秋夜有懷

訪馬敬湖別業

赴召馬敬湖別業主人未至

同崔益屏衛源上舟夜抵新鄉

渡河用前韻

贈王燕山戶部

朱德佩園亭牡丹盛開爲賦二首

暮春後園二首

送湛原明侍郎赴北禮部

朱氏園亭對月

張司成宅咏白菊限韻

次韻呂涇野對雪二首

冬夜聞雨言懷效晚唐人作二首

贈平坡吳子儀

夜訪張子靜

吏隱園同顧華玉黃勉之席上作

奉寄何栢齋中丞代書

夏夜邊司徒同黃勉之秀才分韻得風

宇

中秋夜宴宗伯新第

壽樊母太宜人

題廖太守卷十四事

日趨庭闈

步躡青雲

御殿傳臚

醉歸瓊林

試政司馬

奉使東遼

視篆穎上

承檄行取

任寄耳目

督儲通倉

按鎮宣大

觀風齊魯

牧專汝南

登鄭氏樓

溫泉留別張時濟胡承之得光字

遊山遲唐荆川太史不至

山行卽事

出寺

同荆川遊龍泉寺二首

卷之八

五言排律十五首

靈石

寄王子衡時巡陝西按

贈王中丞致仕

贈蔡給事成之福建僉憲

送穆檢討伯洪遷南京國子司業得遂

迎養

送彭總制西征

贈雲谷

贈榮上人兼三顧全州

張封君葵軒雙壽十二韻

壽黃太淑人次甬川韻

過陳山人庄居

九日登堅山十韻

送牛太常道徵致仕

送黃少卿子任致仕歸南海

送張汝禎使伊府

卷之九

七言律詩八十首

許憲副伯誠薊州兵備改湖廣提學仍
舊業也賦此贈之用張時濟韻

除夕寫愁

過寧州悼秦用寧通判南感

人日喜晴

紅德城元夕

題張氏忠睦堂

集豐林王園亭

登驪山絕頂懷古得寒字

奉和大司馬晉溪王公華陰祠樓餞別

大司馬荆山王公次韻

秋日苦雨

留別顧英玉憲使

冬日宴鄭汝順別業

過定遠寄鳳陽底太守同年底以黃門

入出守

春雪簡顧華玉廉使

飲何甥卿山庄次韻

送高司寇

送王太常季徵

人日寄顧英玉憲副兼寓憂荒之意

齋居呈聯舍諸公

奉和白樓太宰齋居

鼎柴光祿春日喜晴見貽

正月二十三日甚晴期日

出遊城南

大雨不果呈所期諸公

送吳太宰奏績北上

園中花對盡開家僮折來始知感而有

述

送柴光祿入賀

聞少司徒揚公少司馬萬公同赴錦衣

徐公約遊牛首山戲贈一首

送陳京兆祐卿致仕

送吳學士仁夫北上

臘月朔雨有懷邊司徒華泉

二日微雲再依前韻用荅報章

朱氏園亭宴集

再用前韻戲荅邊司徒

寄上太宰白巖喬公一章

贈崔都督總江南北諸戎事

飲卞將軍廟西麓亭得月字

題荷峯贈陳中丞

奉和貞菴大司寇齋居二首

又和紫巖大宰二首

又和黼菴京兆一首

顧廉使息園燕集顧憲副張顧二郎中

黃王二秀才

新秋出郭訪蔣子雲

贈大中丞惕菴張公致仕

次韻荅周刑侍見和桂林之作

題趙太守棋聲閣二首次韻

荅顧全州華玉寄書

昌平省中

邢臺道中呈王宗哲明府

曉發趙州懷何仲默

夜抵内丘去年王宗哲自唐山送子亦

春夜至此

曉發磁州

鄴城懷古

渡河

八龍塚

夜坐白坡書舍

爾何仲默以詩見留次韻

過大梁貽李獻吉

三月十五日病寓趙州時何舍人致仕

馬戴二進士應廷試

題真定邵推府企歐亭

送譚開州還任

送田勤父使南昌

古熱

畫田

送宋上舍還陝

聞鴈

訪田勤父至自河南

題廣平郭同府望雲思親圖

寫馬君卿見花蕊有感見示

訪任草亭初至都下次君卿韻

九日

磁州省壁見韓司徒憂旱詩二首有感

二時司徒已去任

輓楊貢士

比干墓

新安省院

望太華

石溝

環縣

長安同張文之宿罔極寺

卷之十

七言律詩八十首

晴

華嶽

襄陵省中池亭甚佳因懷張李二明府
道并陘有感

淮陰侯祠

同黃都憲孟鎮守侯總戎遊紅石峽

同前諸公遊龍泉祠

和楊遂菴入關

過關

中秋示王子遂夫

送李給事使占城

挽溪雲翁

送馬公順湖廣提學

挽蜀中王侍御乃翁

送王仲深致仕還江南

待漏

送邊荊州廷實賦得一柱觀

送方隱君還棠陵

荅何仲默見寄

九月二十四日夜張侍御宅見菊
送任草亭分教新城

九日無菊

送人還山東

醉歸

別關中雷生

別蘇天秀

聞河南寇二首

人日

過海印寺

慶壽寺齋居夜倍喬劉何三舍各

送韓汝節左遷平陽別駕

和何子移居

春鴈

田給事宅對雨

挽李封君夫婦

送謝應麟赴費縣尹

挽白司務

晚晴

壽林侍御兄

送許侍御乃翁視子還

送周世寧進士

送劉天和侍御巡按陝西

興隆寺齋居

送謝汝正少叅之湖南

冬至述懷二首

臘日

答顧全州華玉見貽

除夕對梅花

人日答顧全州以詩見邀

送馮司訓入京

松坡宅內海棠賦得園字

寄周克之侍御謫居南海

送徐明府入京

壽松坡母太夫人

吳廣文赴天河

清明

荅高大和侍御寄書

中元

秋懷

九日遊風洞山

輓張兵備時措

輓李將軍

輓胡憲副

遊湘山寺

南可堂

王師出京闈王都御史收南昌消息二首

九日雨阻登高述懷二首

病居寡出憲使闈公假以良馬從此可

入遂遊覽之興詩以奉酬

酌君卿夏日山居見示

別劉子深

東平道中呈馬二侍御二首

千佛山中呈愚二弟詩二首

九日登泰山

禁中春雪

人日別王明府同陳何李薛劉五子

卷之十一

七言律詩七十八首

夜集劉子緯郎中

九日期登高不果遂集王郎中欽佩青

南谿上暇韻

仙真觀

清涼山

至日遣懷二首

立春後對雪

吳松江肅威道此對酒次韻

除夜述懷

元旦呈郡守徐公

正月三日喜晴

正月十四夜徐郡守子謙諸進士楊伯

屠臧方文伯范秀才孔嘉見過觀燈

元夕

送陶憲副入京

喜駕旋

天寧寺對雨

散鶴為沈秀才槩題

重陽前一日登黃鶴樓

贈魯振之祭酒園居

懷王子衡

時四川提學僉事

至日有述

荅劉奇進長兄題雪見貽

憶周充之時謫居沅州

華容值張常甫年兄用嚴內翰韻

出郊

酬馬侍御園居見示

苦熱

贈王憲副過訪次馬侍御韻

中元夜簡浚川憲副因憶蔡石岡大叅

中劉遠菴憲副憲園因對景不同大
暮春同馬侍御訪張太常園池時憂旱
殤子八十生日至痊所

出城對園景示

贈別張汝禎兵憲兼致留意

遊賢隱寺兼首同王子遂夫辭道

次韻馬侍御山居

種竹

題東谷

賢隱寺限韻宴別張子

張徵君洎其子文學送予北莊

誕日雨行臨穎簡杜研岡

飲崔都尉府

南浦

寄王欽佩提學

春日顧張二省郎携酒慰次韻二首

大理公署賞牡丹次萬治齋韻

江上訪王浚川司馬值謁陵未回

雨花臺

即晚過鳳臺下徐氏西園用前韻

盧龍山次費庶子韻

有悼一首爲華泉大司徒作

又次浚川司馬韻一首

涇州道中聞劉養和提學阻雨於此戲

贈

庚寅郊祀齋居三首

龍泉寺奉懷顧南田憲使

寺中對雨

對菊簡管平田吏部戲申夙約

同張時濟遊管平田別業

喬司馬宅留別限韻

送戴雙湖太守之泰山

過開城

王司馬見示和司徒對雨詩次韻

和黃父庵觀漲

雨中臥病有懷大司馬王公

戲贈九峯山人
哭鄭鹿門大理

春日遊王令莊園
贈馬抑之侍御按淮陽

寄壽汪逸士

荅贈陳魯南陞山東大叅見示次韻

壽胡翁

遊清涼山限韻

奉和紫巖太宰東麓亭高韻

送陶醫士次王司馬韻

賢隱寺值雨荅陳生惟允

卷之十二

五言絕句三十三首

桃葉歌十首

江南曲十三首

白菊

園亭雜興四首

三子衡過飲分體得五言絕句二首

雨

書贈岳秀才伯陽扇

米元章拜石圖

卷之十三

七言絕句九十七首

榆臺嶺

雜興三首

春雨寄何仲默三首

送扈明府赴滿城

咸陽覽古三首

梁山懷古二首

寄內

塞上行十首

和楊邃菴應詔二首

邊太常席賦秋海棠

送人

楊花二首

除架

壽亮上人

賈誼廟二首

回鴈峯

楚離宮

歲暮

冬深

十一月朔日

可笑

憶看竹亭無寄 竇伯東 僉憲二首

憶花

江雨

送包舉人入京

問愚溪

桔槔

寄李平樂覓蓮酒二首

周徵君贈梅酌絕句二首

宿湘山寺戲呈顧刺史

下嶽



原件短缺

P35

宿雲開堂強主簿送酒與廖行人邦重

渠上酌

奉和楊邃菴閣老塞上曲十首

辱在張司成雪中見嘲之作戲荅二絕

句

簡顧兵憲英玉覓柳栽

送星者孫生

冬夜呂太史宅殘菊賦絕句四首

贈蔡生汝培

送方松厓先生詩序

贈林總制先生陸南京大司空序

送雙山先生序

東江別意圖詩序

贈劉明府上績序

贈大方伯周雙竹先生序

春谷詩序

壽孫子外舅姑圖詩序

送鄭貞外赴南京序

光風霽月卷序

贈鄭子序

青巖先生壽序

刻天地正氣序

卷之十五

序十三首

送僉憲王翠墩序

彭山倡和詩序

送鍾石先生圖詩序

送郡丞李公赴懷慶序

贈許子廷章考績序

愚逸翁壽序

送顧郎中詩序

贈馬錦衣拙菴序

靖江春錢序

贈傅公總憲山西序

文訪齋序

贈靈川掌教甘君奏績序

序知贈黃子

文十一首

禱雨文

謝雨文

祭韓汝慶文

祭李大榮文

祭周侍御母文

祭董侍御文

祭殷給事文

祭同年朱華州文

祭亡母孫太恭人文

祭朴子文

祭仲女文

卷之十六

記五首

遂平縣脩學記

記閻公雨詩卷

朝邑縣建置經正書院記畧

東臯記

風雨山堂記

書二首

上林大司空書

與何仲默書

雜說三首

衍壽

事功

袁惟毅字說

銘一首

莫庭銘有序

贊一首

金太守士希像贊

題跋九首

題陳中丞平南卷

題遊西山卷

書關西紀行詩

題劉氏雙輓卷後

跋贈遠卷

跋登山臨水卷

跋海山卷

跋顧子華玉上方山玩月詩卷

題顧華玉雅集卷

卷之十七

誌銘四首

中順大夫陝西按察司提學副使何君

墓誌銘

孟有涯集卷之一

信陽孟洋著

四言古詩一首

卿雲并序

正德癸酉歲大熟異蓮嘉穀並出是時

審君伯東爲信陽兵備有美政人皆以

爲所致祥也遂歌卿雲二章

卿雲載興非霧非烟公侯出遊駟馬閑閑何

以往矣于彼中塘芙蓉芙蓉一蓮雙房澤無

蛟虺水有魚魴于以取魴載歌載咏公侯之
樂惟民之慶

卿雲載興靄靄霏霏公侯出豫軒車遲遲何
以往矣相彼民事禾黍離離一穀雙穗山無
豺狼林有雌雉于以取雉載歌載謳公侯之
慶惟民之休

古樂府十二首

戰城南

戰城南城南賊衆衆若林猛若虎牛羊被掠

人民爲擄恨不盡殺之以靖我疆土戰城南
麾天兵鳴鼓一振士皆忘生長驅沙漠誰敢
撓功成勒石報天子生者封侯死者死知
名半是豪門士昨聞胡馬來壯士顏不開

羊觸人

青苗邈邈白羊雙角羊食苗苗盡禿牧兒持
杖羊羊不受逐睨目視兒向兒觸兒莫能支
走且矚一羊奮股十夫力苦羊亦搏人況乃
熊與虎

七夕詞

風清夜涼河漢微天街月露霑人衣人間織
女皆停機靚粧斂珮出蘭幃仰看雙星今是
非銀橋石梁烏鵲飛玉顏皎皎花依稀流光
明滅飄香霏樂深愛極心忘歸寒鍾乍聞更
漏稀龍車倏駕復相違垂眉緬念重虧歎悵
言同遲東方晞

鳴雁行

鳴雁雖雖鳴且翔雄鳴雌和同一行征人晨
旦戒行裝問君何之向瀟湘感離含怨獨徬
徨彷徨行出門男兒重義何輕恩堂上親老
亦不顧何況區區兒女論

北風行

北風獵獵蒹葭寒出門雨雪道路艱高樓少
婦坐愁嘆征人迢遞涉風湍懷思佇望何時
還行未回桂牀蘭簟獨徘徊丈夫雖云萬里
志盛年一去難重來

吾不見行路難

君不見巫江峽口浪如山白帝江陵一日間
君不見滄溟接天百恠備海賈涉之若平地
至險無形人莫窺魚腹置刃君豈知昨與同
門今共敵朝爲刎頸暮分屍韶護荒涼鄭聲
雅野鳥爲鸞鹿爲馬莫言廊廟皆貪夫莫道
山林盡賢者行路難歌莫哀河東太守揮不
去魯連先生招不來人生出處豈貴一但願
勿令世所猜

將進酒三字至七字

闢瓊戶登瑤堂嘉賓咸集華宴載張歌隨白
雪轉舞動紫雲揚仙人下階爲壽玉女揮袂
獻觴萬里黃鵠會高舉千秋古鶴鳴相將

楊花篇

楊花亂撲征人衣塞上征人苦憶歸青樓少
婦懷遠成顰眉亦嘆楊花飛別有豪華少年
子錦衣出入金門裏豔舞嬌歌共舉杯稱壽
逐花歡未已吁嗟壯士豈不還別婦終有家
豪華焉得長豪華請君試看楊白花

雉過江

雉過江江水何瀾瀾風驕浪闊力不度翻身
墮翼江心裏力微翼短爾不思見爾浮沉非
所宜

湘妃怨

帝子眼中血君山竹上斑不見重華返徒令
傷玉顏玉顏昔映瀟湘水寶鈿空沉洞庭汜
蒼梧何近望何長江水不回心不死秋花寂
寞楚雲津夕鳥喧喧愁殺人月中帝輦還湘

浦恍惚如聞二妃語

愚父行

君不見當今智士稱善謀清朝華轂朱門遊
太行孟門豈云險星奔川驚不可求朝趨董
石暮梁竇銜恩摠欵結綢繆炎天赤日凌空
起堂上冰山化爲水烈火風生竈突烟紛紛
燕雀同時死山中愚父愚且踈飢餐渴飲恒
自如壠畔歸來酒初熟往往釣得前溪魚烹
魚呼客開春酒吟對南山眠北牖東林西堰

皆坦途坎壈崎嶇我何有君不見翩翩鴻鵠
高雲翔雞鶩徘徊爭稻梁

秋塘行

川原搖落羣芳息塘上秋光淨如拭烟開露
晞楓葉丹霜波不動蒹葭寒垂綸載酒遡輕
舫人影倒行飛鳥上蓮房菰米何鮮新渚雁
沙鷗沒浩蕩放歌祇恐蛟龍驚洗耳那聞鼙
鼓聲白雲悠悠自來去寧復江頭朝雨情

古城行

秋風策馬古城游斷基廢壘迷霜草暮馬朝
車日日過北去南來成大道千載衣冠空墓
墳萬家市井餘桑棗長林白日寒蕭蕭遠戍
浮雲暮浩浩此地曾經幾戰爭行人極目傷
懷抱城外相逢漢使回榆關將卒俱安堡君
不見去年今月胡馬來百里烟塵竟誰掃

妾薄命

盈盈水中蓮莖蒂何纏綿啞啞樹上烏兩兩
夜相呼憶妾嫁郎未旬日郎騎白馬從軍出

東園桃李尚無花，葉落花殘幾歲華。前年報
道遼西去，今歲書來更何處。月缺重圓還有
時，不似郎歸無定期。妾身欲化雲間雁，飛入
邊城見郎面。只恐郎還妾不知，百年永作長
相思。

楚調二首

贈陳文相

芙蓉落兮鳧雁游，騰佳人兮行東遊。謝塵囂
兮遵清流，引白雲兮望瀛洲。神飄飄兮心

憂，晨風疾兮不可留。倏子別兮晤，何由歲月
邁兮生。若浮出莫濟兮潛，莫修孰與子兮良。
悠悠世厭潰兮，弗子求復。何時兮駕迴舟，重
踟躇兮將焉尤。何衆鳥兮鳴啾啾，悵回首兮
風颼颼。渺芳草兮道阻修，君不見兮我心慆。

東園歌

樹暝曖兮江村，匝烟蘿兮蔽柴門。喟主人兮
感雲山之遐思，解組綬兮歸東園。谷欣容以
相迓，水歡聲而自娛。竹蕭蕭其百尺，柳依依

而五株霜菊就徑露薇見岵倚長松而蹙息
聆巢鶴之羣呼顧往路之崎嶇兮何來途之
坦夷悔夙昔之縱步兮幸迴轍之未遲世匪
唐虞兮吾奚志於臯夔懷龔魯之可卽兮今
不迨乎古時鴻雁不食於矰繳兮鳳皇舉翼
而高飛卽孤犢之莽宿兮胡犧牛之繡衣淹
寸祿之鞶羈兮孰與逍遙宇內俯大塊兮從
吾所之乃策杖於南畝乃泛舟於安流白鷗
朝兮相親夕麋鹿而與遊采芙蓉兮並蒂樹
芝蘭兮盈疇白魚入饌濁醪在筍樵歌發兮
日將入風習習兮聞漁謳引鄰翁而對酌邀
渚月以賡酬醒何物而靡適夢奚往而不游
日容與以歲延竟甲子之幾周嗚呼噫嘻天
地隘兮滄溟其眇古今適迫兮日月窅苟富
貴之不可求兮吾安知吾身之爲小

孟有涯集卷之一

孟有涯集卷之二

孟有涯集卷之二

五言古詩三十四首

虎丘效陰常侍體

信陽孟洋著

崇丘秋氣合廣野黃雲連晴川素練淨霜葉
絳霞鮮溪樓納霧早岩窓照日偏草繡生公
石雲香陸羽泉朝禽嚮樹末寒花濯塔前定
僧情澹苦遊子思悠然仍此長洲苑詎復闔
閭年

別家

僕夫早嚴駕行行之楚鄉依依戀故里尊俎
臨道傷親友偕集送兒女泣成行隣國非遐
征歲月未可量白露塗郊原秋草日焜黃沙
禽並棲宿鴻鴈東西翔且爲斯須留日晚途
路長不云行役苦徒令居者傷

海山吟

汎舟覽滄海弭櫂遊蓬瀛洪波滂浩渺羣峯
蔚葱青彤雲絢雙闕丹霞麗層城麒麟游太
和鳳凰衍嘉徵禹道旣窈窕飛闥亦崢嶸黃
金絡簷牖白玉製堂庭奇葩競晚豔珍卉紛
冬榮摘林異果見魚鮮雜穀呈仙人集歡宴
靈娥坐吹笙霓裳薦纖舞雪齒發新聲右手
拍洪厓左袂聯廣成渴吸沆瀣液飢餐若木
英千秋復萬歲永言娛長生

海山謠

誰謂海水廣方舟亦可浮誰謂泰山高藍輿
亦可求登高望遠海我心何悠悠雲濤迴碣

石雪柱隱蓬丘長與喬松子年年爲此遊

宿華陰懷馬侍御按節河中

客路倦茲遊空堂此何夕明燈促簿書春星
動簷隙渭北鴻鴈來猿吟華山側濁流一何
深佳人杳難卽遙遙欽德音茫茫阻顏色笑
言故山廬繁華憶疇昔皎月照巖阿凝霜肅
荆棘蕭蕭驄馬鳴豺狼遁其跡豈不慰遐思
終焉感離析思欲往從之安能生羽翮臨風
緘素書書短不盈尺上言加餐飯下言崇明

德

答劉子潤之

浮雲寡恒態逝水無旋波貴賤有時命歲月
諒蹉跎谷風自東來黃鳥鳴相和庭篠抽嫩
條堦藥吐新葩時物各有託人生詎同科念
我二三友零落殊天涯沒者旣長別生存亦
悲嗟文章速謗尤氣節誰爲誇世方寶燕石
和氏當奈何服飾辨妍醜媼母嗤秦娥出慕
金門隱歸種東陵瓜元景倘佳會置酒惟高

歌

南浦

朝倚東山桂夕樓南浦雲風颺吹岩戶霞日
映茅軒春藻呈奇葩秋蘭發清芬野麝鳴以
游浮鷗自爲羣幽人抱冲和撫物悟天真輕
槩弄明月弱絲漾華津沉飲謝煩慮彈琴悅
心神三徑恣閑步入公寄微言齊組終蹈海
趙璧空怒秦抗志薄夷齊甘與巢由倫

十六夜月

團團中秋月重陰蔽輝光今夕一何夕皎皎
清且揚白露涵金波唧雲耀其傍招邀集懽
賞清歌激流商鳴虫響室隅肅肅南鴈翔歲
月從此逝我心良自傷何如早爲樂共醉君
子堂君看月西下旭日生東方

採蓮曲

朱明日初永南薰變羣芳飄搖陌上女三五
行且將曳裾步層陰環珮鳴丁當笑語間鶯
燕服飾紛緋黃採蓮池中曲流標婉清揚微

波映深綠素手牽柔香荷葉旣成握藕花亦
盈筐常恐風波起日夕回帆檣踟躇行且歸
繁思結衷腸欲問不可近徒爾心煩傷

別李獻吉

悠悠歲奄暮去去將何之三年不見面後晤
安可期盤桓杯酒間勸君飲莫辭強歌暫成
權虫鳴及秋時嚶嚶黃鳥音四顧求所依豈
無上林枝予意多乖違幸有同明月慰我長
相思

貽友人

清雲度高漢落日下遠戍行子倦孤征稅駕
咸陽暮空林宿雨微虛簷滴松露悵然懷美
人昔語今不晤濁酒誰爲傾強歌未成趣豈
無四海士新交不如故

送唐仁夫

春風吹碧草去去何能留鳴鴈西北歸之子
東南遊鳳凰立高岡鷗鷺中波浮所貴在順
適性命安可求酌彼金壘酒聊以消離憂

送王子衡巡按陝西得倚字

孤鴻遊八極日暮宿江沚紛紛四海士緬懷
念君子逍遙幽澗濱采摘多芳芷嘉晤苦歲
遲乖別遽千里商飈肅秋林祖席臨寒淚諒
子平生親贈言豈在累初冬出函谷飲馬黃
河水巉崖走虎兕夾道生荆杞莫耶鳴鞘中
一日再三視試以髀髀宜衆理良獨耻仰瞻
太華巔霜峰碧空倚丈夫處兩間氣槩諒可
擬三邊埃火連漢南寇蠶起折衝貴笑談何

必任鋒矢願言樹名勲慰我貽尺鯉

壽成母

春風扇華屋置酒臨北堂靈萱雪中茂煙柳
發新黃阿母上堂坐遊子歸故鄉脫爾獬豸
衣理我斑斕裳中厨薦珍膳侍者獻瓊漿當
筵雜歌舞楹間列笙簧皇恩忽沾渥丹詔何
輝煌承乾旣柔懿教子多義方國典重風教
母儀振綱常主人下階拜衆賓各舉觴今夕
亦何夕元夜華燈張明月皎中漢南極含精

光千秋屆此節爲樂殊未央

贈朱生

與子別離時乃在灘水陽灘水東西流往棹
無回檣還顧桂山隈城闕鬱相望修衢帶廣
陌車馬如雲翔子居貧士里散帙空盈牀歲
久途路及思心阻且長一朝時運會奮飛游
帝鄉戢翼復南旋問我來建康驚喜如夢寐
顏色各已蒼衷情未云極話言詎能詳行行
度湘川採掇多蘭芳無以遐遠故聊寄莫相

忘

贈初生從呂子游還潛江四首

君從漢水來貽我漢女佩綴以明月珠飾以
南海瑁韞櫝戒慢藏展玩懷良愛欲報諒難
擬踟躕謝形穢

鴻鴈游中原和鳴向一行

自大梁候其兄來此

友于一

因心誰言有闕墻鄂鄂棠棣華韡韡自明光

別夢西堂夜春草生池塘

朝趨呂子門夙駕自千里觀瀾淮海陽望洋

大江涖虛往信有益深造自茲始諧音貴操
縵食味乃知旨

秋風吹江水江水漫浩浩游子將安歸言泝
荆門道荆門臨夢澤采采多芳草

中秋聞邊報

悲風自西北雲沙漲秋天驕胡十萬騎入獵
長城邊驅我牛羊羣救我才黍田壯健亦走
匿老弱安可全相望數千里白草無人烟赴
赴熊虎臣見敵奮以先嗟哉六千人一戰盡

亡捐適我臨上谷城中正皇然東家哭陣亡
西隣愁未還感此懷抱惡令人涕泗懸守臣
報天子分兵向胡阡旌旗耀日赤鳴鼓聲

驚驚精選老成將重託生死權國讎翼可

雪民瘼諒可痊師出已三月胡兵尚蔓延聯
營鴈門野飲馬雲中泉日聞羽書至爭看捷
音傳再戰失首將三軍竟誰前邊士好死戰
京士好安便安便亦上賓死戰誠足憐掩耳
不忍聽開懷向華蓬念此中秋夕皓月當空

圓星雲澹河漢光彩何娟娟微風度羌笛永
夜無安眠

荅三子三首

梁國足豪俊超然更田子貧賤不驕人
懽游咸義士灑唾燦明珠揮毫涸江水
愛予如愛弟緬懷激仰止

田勤甫

劉子抗孤節磊東魯獻飲酒偕稽康詩名
齊子建閉戶每長吟高筵劇雄辯瘦骨清嶙
峴冑中屯百萬

劉子靜

同鄉復同好戴子情獨親作詩寫心素送我
游西秦楚人惠荆璧郢里聞陽春他方一展
玩酸然欲沾巾

戴仲鵬

詠古二首

區區千金子欲坐不垂堂胡爲萬乘尊居然
立巖墻鴻門杯酒間反復變興亡孤騎廁中
出孰與灞上強帷幄決千里嗚嗚張子房不
漢高事上皇築城徙新豐雞犬識舊術棟宇
如故宮乃知帝王心達孝古人同危哉廣武

陣幸不烹而翁

贈郭侍御北還四首并序

頃惟侍御雨山先生體間出之奇蓄不可測之量按行關陝凜有風聲衆人仰其興革俗化流被惠澤而已然時振音雅金石迭奏揮翰所至蛟龍盤拏此其緒業有識希覩洋幸以執事周旋彌歲不啻厭其德政欽乎文詞抑且探至論於未聞領玄理於末教譬由聾聵積年

開明一旦豈不快哉乃其旋節之時不勝解袂之感用賦七韻四章薄申景慕辭旨荒陋非所知焉

朱鸞鳴高桐不與黃雀羣君子迥孤特衆庶何紛紛托心超玄素矯志薄天雲敷言軌前哲吐氣揚清氛大雅謝繁響舉世誠罕聞闡然白璧姿蔚矣玄豹文鴻漸浮天堦光儀侍明君

揚旌渡河渭弭節覽周秦靈臺豈經始古道

多荆榛歷險迫巖谷乘危犯沙塵冷冷清風
激霜月鑒幽淪豺虎潛故踪狸鼠安足論中
衢有歡頌窮簷無苦呻鞭笞非所恃風俾江
漢淳

駑駘無異骨輪囷非懿材豈暇良樂顧徒取
匠氏猜邂逅值君子欣仰愜所懷聆聒荷深
眷言論靡有乖諒乏郢人質斤斲懼弗諧忝
彼惠氏知慙爾莊生儕徘徊千載間感激令
心哀

林花媚遠日原草帶長烟白駒歌道左黃鳥
鳴樹顛駕言返京都宸興越河關豈不念佗
儻王事此多艱五侯縱驕侈漢庭爭訟繁朝
廷尚須黯行路終避桓去矣勿復陳大道在
忘言

送毛給事赴南都

明夜春風盡黃鸝無好音清江故人去落日
酒杯浮酒空愁復來扁舟那得住孤雲不知
還何處金陵樹金陵山下窟自古帝王州豪

華餘六代宮殿鎖千秋
月出石頭城潮回金
陵寺遠覽懷古跡高吟發幽思
潑潑赤玉鱗泛泛梨花春
公餘及良夕可以會情親
河南崔編修山東穆檢討俱是
同年人況爾夙所好天地有
消息誰能免離分朝如鳳樓
日暮似鳳樓雲孟軻三游齊
柳惠三去魯直道苟不阿全
名照今古江淮年歲歎荆襄
豺虎多人生良不偶爲別柰
君何紫燕花間鳴飛飛接雙
翼去矣無復言長空沾臆

送梁明府

名家孟津口高誼洛中聞
不慚爲小相日日奉明君
邑宰西川去交遊上國分
曉衙燕甸雪遙望劍門雲
蜀郡猶多寇書生亦統軍
憑君萬里志從此立功勳

已卯南昌之變瑞守宋君死之

惡木安可息猛虎安可翼
在咎匪我召罔固豈偏仄
平生節義軀願爲猛虎食
有死可爲國有生不共賊
浩浩鄱陽水盪我忠憤臆
康

郎何崔嵬游魂尙能陟流風江漢濔千古垂
令則

黃蘆嶺

汾陽戒明發礪道生愁顏削壁屹雙鐵巍哉
一何艱閭寂翹翹伏崢嶸熊虎蹲溪流石齒
齒雜樹蛟龍蟠微語應洪響仄步依盤旋行
行躋黃蘆高高入青天心神足驚悸馳驅精
力慳須臾變風雨白日生黃昏奔雷動地起
駭浪空中翻僕夫各喪魄欲言聲不宣忽驚

秋氣至迴颺倏凝寒欣逢抱關氏白首足
跚烹雞獻麥飯禮意良精專倚案向予泣歷
官良獨難本以爲貧仕不能充饗殮卽欲返
鄉里遥遥阻山川聽言感懷抱念國心漫漫
六載繆通籍無時離征鞍西遊賀蘭山北出
鴈門關形肉漸銷鑠塵沒簡與編成名及壯
歲撫臆懷昔賢誰云恃朱顏朝來髮已班何
如解簪紱服食還金丹安能屈情志齒落遊
塵寰

追懷張徵君

青青岩畔松漠漠谷中蘭孤貞抱幽寂芳馨
恒自憐移植公府中土性非所便至人尚玄
素哲士保自然靈霞盪心慮塵紛詎能纏守
身戒枉尺行義耻忘筌結廬西山麓泛舟河
水湍雖非金石固神理諒可全生時有遺榮
沒爲閭里嘆

孟有涯集卷之二

孟有涯集卷之三

信陽孟洋著

七言古詩十七首

漢中太守行贈潘伯振

漢中太守行出門蕭蕭五馬鳴秋原請君繫
馬亭前柳爲君贈言勸君酒漢中巨郡獄訟
繁饑饉類仍足群醜蜀川廉范有遺歌關西
楊震稱良守使君才質迥非常十年獻納黃
門郎曾將五色繡龍袞何有一郡分銅章君

不見棧道逶迤一千里高山岩堯水瀾瀾此
去休歌行路難擬取循良報 天子

望京華

西顧辭三晉東回入故關長安紅日近王氣
五雲間萬水千峰齊拱極蠻夷猾夏皆欽德
珠闕晴臨玉沼波金門曉映青山色 仁壽
宮中秋意哀 文華殿上早朝回翠蓋香車
公主過朱麾寶馬國王來黃門諫議游紫閣
公孤宅風生獬豸繡衣郎光搖甲冑金吾客
禁外諸軍復九卿分曹列爵各縱橫戈戟森
森嚴武備冠裳濟濟象文明外戚池臺勝中
官甲第通三千仙子觀十萬梵王宮垣壁深
開金炤耀軒楹高結綺玲瓏九衢三市多豪
賁貲帛如山氣如虎自矜意氣可回天翰林
學士不敢前復有驕奢游俠子千金一擲能
輕死趙舞輕盈明月前燕歌宛轉香風裏燕
歌趙舞競繁華十二青樓近酒家長大但知
衣錦繡生來不解種桑麻望京華京華遙相

望西湖一何清西山一何壯湖田百頃潤還
腴山窟諸陵屹相向諸陵古栢盡蒼蒼秦陵
宿草猶未長草野聞風墮雙淚朝紳引首斷
衷腸望京華京華都且雄元帝末期成廢業
明朝 太祖著隆功曆數萬年永車書四海
同生世况逢今日盛歡歌燕賞樂無窮

別馬君卿尹固安

朔風蕭稍寒日白躊躇執手城南陌同是天
涯羈旅人把酒翻爲送行客客行一步一征

徂萬里愁雲晝不開繫馬且盡平生懷欲發
不發傾離杯憶昔余年方總角君年二十富
文學與君識面卽心知朽質無成藉雕斲美
君一舉捷秋闈余亦附翼同翻飛垂翅借遊
太學裏風朝雨夕常因依志合由來厭流俗
徃徃朋輩相嘲譏慚我先叨甲第日君還杖
策西南歸此時爲別情更苦慷慨長歌淚如
雨明月瞻迴淮水雲落日望斷燕山樹去年
花發來長安春風得意下金鑾傷心獨喜百

年晤往事空嗟行路難清才古貌推時彥白
馬青袍下山縣不須相別重相期但恨相知
不相見龔黃卓魯伊爲誰古人今人可等夷
况乃青雲瑚璉器奚啻百里勞施爲言罷分
携意何極君馬南嘶我馬北積雪川原鴻鴈
鳴平林日没千巖黑

鳳簫篇贈羅侍御

紫簫吹空綠雲起鳳皇翔入簫聲裏倏下金
屏儀且鳴殿中雅樂識新聲黃鸝紫鷺和清

吹萬雀無喧百泉避一朝羸女飛玉霄文羽
祥音漫寂寥詎謂嘉祥不可復孤雛又見宮
梧宿瓊枝含露飡琳琅曉浴天池動日光德
舞長隨奏金石彩毛時補袞衣裳鼓氣鱗風
歷天宇嶽海騰輝萬邦覩快目娛中迷所由
太平只合歌明主把酒酌君君莫謏請君徐
聽鳳簫篇

送鍾廣州賦得越王臺

漢家南越郡海上起高臺紫翠朝雲映笙簫

落日催千秋樂事今消歇碧榭朱欄臺草沒
山鷓空啼蓉葉深荔枝猶待春風發太守來
遊發興豪雪山日鏡擁溟濤右瞰雙溪小回
瞻五嶺高開元宋公韓吏曹賢聲此輩俱翔
翺別君且盡杯中酒越王臺上應回首

夜泊石頭口

初月照江清愁人見月那爲情寂寂空江徒
極目扁舟獨伴漁翁宿舟人盡睡不知醒防
夜知更喚僮僕燃燈起坐心膽摧况乃隔岸
聞猿啼秋潭無雲渚花落寒波欲動風淒淒
中流賈爾何苦猶唱棹歌夜搖櫓北客聞之
淚如雨

雨雪吟

洞庭浪高不可度浮客泊向城陵住北風夜
號天氣寒雨雪霏霏滿江樹短笠輕蓑釣叟
歸煙深草滑行人稀蛟龍晝潛鴻鴈沒千艘
萬艘俱不發巴陵女兒燕趙流錦箏瑤瑟
青樓千金豪俠應皆醉賈誼才高不見留

沽酒行贈牟韋二撫君

漢陽江山秋風悲落葉淒淒愁別離江頭壯
士一相見並馬躊躇數回盼青衫烏帽無先
輝云是長安兩錦衣見君北來動鄉思君來
想是從王畿牟公短軀異標格雙頰凝紅鬢
垂白韋君年可四十強方眉廣額身昂藏欲
言向余淚盈臆昔年奉侍君王側日月麒麟
殿上行雲霄虎豹班中直常承密旨按公卿
時有微功佐家國詎料恩榮不可常朝遊禁
闕暮江湘遙瞻北斗空翹首却想西垣祗斷
腸北地南州異風土天暄水濕多憂苦鴻鴈
高高向日邊關河迢遞何時還嗟余亦是投
荒者低首聞之淚雙下先朝末載游帝京
此時牟公已有聲自從逆醜弄權術鞭撻朝
士無虛日扶忠抗義公所優坐廢懼刑人共
恤買今皇誅逆法令明韋公牟公乃齊名纔
看執法拖金紫忽復飄零涉江水貧賤榮華
信有時古今人事皆如此君不見張祿先生

脫廁中相秦富貴傾王公又不見魯朱家奴
置廣柳時來復作河東守與君今見且爲權
別買江魚共沽酒

士無事顧全州見邀江水漲不能赴
桂林山深晝啼鷓鴣一春三見紅日出鳴雷遠
曙雨浪浪洪潦平昔仍入室江間浪湧蛟螭
翻鯨魚安得窺龍門渡頭行子立惆悵徒繫
扁舟不可上美人只在水一方百遡千迴道
轉長雨中空見枇杷落飛盡楊花更斷腸

送殷近夫尹靖江

靖江百尺澄秋波江上秋風吹薜蘿蘆花鳧
鴈鳴相和江南女兒紅碧衣日沈晴沙薄暮
歸手牽蘭杜不忍違秋容入佩香風微短棹
吳歌處處吟歌長調切傷人心江天月出江
水深遠客聞之淚滿巾孤山此夕好登臨

題壁之作

遲賢亭中風葉悲壁開錦繡皆新詩華泉最

多一一奇懷人感物疑妙思輕羅緩珮春江
湄傷心踏歌楊柳枝劉子醉把青玉卮一首
便足心如癡花林寂寂聞鶯兒谷生口口稱
邊師一趨一步不敢移中間白泉常皺眉恨
不生同子美時一吟三嘆雙淚垂濡毫灑墨
同一規顏卿上邈王羲之白日雷電翻蛟螭
騏驎駢駢忽並馳平原萬騎何能追神馬無
復來天池泰山茲遊誰與期無涯鴛子來何
遲

客有爲余道京師故事者感而賦傷
歌行

君不見長安富家種花竹綺窓蘭榭如金谷
四時留客宴常開齊絲燕管日追陪酒酣賓
主皆傾倒盡道結交苦不蚤醉倚佳人池水
邊暝暄厭飫出時鮮促歌索舞從君欲風度
青林明月懸可憐今夕同歡讌人事明朝有
更變家破亭臺日漸非園荒桃李花如霧主
人辭舍燕分飛送葬無人吊者稀諸兒道上

有飢色舊客相逢不相識莫笑袁絲重博徒
人生緩急誰所無叩門不以親爲解信是昂
藏一丈夫

李子自沔陽貽詩及古製青羅巾以
長句酬之聊暢中情永懷疇昔

我謫桂林日何郎寄書稱薛李長安四百豪
俊徒揮翰摘詞兩才子 詔移汶上朝京師
文物交游非昔時李君亦自沔陽至薛子識
面同追隨行歌坐吟瀝肝膽醉倒金華琥珀

卮風吹萍聚安能久腸斷都門萬行柳天南
地北雲雨飛徒有清詩長在口東遊吳下覽
湖山悵望心知那可攀桂花獨向愁中發鴻
鴈空驚夢裏還歲月易推遷踪跡信漂泊君
猶滯黃蓬我復登黃鶴鸚鵡洲寒蘭杜空滄
浪水淨蒹葭落豈悟重逢沔水涯夜深相見
更相疑對燭不能寐樂極還生悲回首舊遊
地賓主總支離秦川桃李春風日燕館悲歌
明月時

薛何提學陝西

薛在北京把酒論心心欲裂世態

人情等飄雪魯國從渠呼盜丘飛廉饕餮俱
高潔三閭不睹汨羅沉孤竹誰憐首陽節天
厖駑駘氣亦雄風塵寶劔光應滅別來節序
苦相催幾見山間朝槿開五馬昨聞里中過
雙麾又自日邊回長孺不薄淮陽守馮唐未
老令心哀傳書嘆蹉跎感慨舒情素披誦高
文豁兩眸星斗昭回破煙霧班揚自是金閨
人眼底浮沉君莫顧緘情更寓青絲巾展玩
蒙頭稱隱淪坐卧雅宜茅屋小街遊正及江
梅春思君顏感君惠萬鍾於我奚有情千駟
無名如敝屣何以報之莫相忘不貴榮名重
高誼願言各努力萬事由蒼穹奪牛豪氣誇
田主失馬先幾問塞翁君不見傾朝聲勢歸
元老海內英雄任顛倒道崩馬逸華轂摧血
濺妻孥身不保君不見虜將擒王樹偉勲功
成謗集何紛紜獻捷惟聞衛車騎封侯不到
李將軍古來賢哲多如此王侯奴隸同生死
春花過眼莫停杯請君試看東流水

公署雪後無聊張時濟以桑落酒至
對飲成醉爲醉歌行

君不見亭亭梢簷數竿竹霜雪滿地色不移
又不見野田飢雀啄枯草哀鳴三五行相隨
人生樂在心相知貧窮富貴安足疑伊周功
業竟何有陶侃風流亦我師硯毫冰結簿書
積寥落公庭心苦悲張公知我好飲酒氈帷
貂帽來分司秦中桑落不易得內法本自朱
門貽爲我斟酌滿玉卮酸齏冷炙性所宜君
醒我醉各自適我飲君歌歌莫遲德將不亂
古有誠我輩豈是真狂癡浮雲渺渺度城闕
白日黯淡西南馳酒酣眼白出門去笑殺長
安輕薄兒

嘯歌行別劉郎

劉郎酒後仰天長嘯歌白日滾滾翻江波江
頭風沙木葉暗雷霆裂石鳴蛟鼉壯士不作
兒女泣舉目慷慨輕山河金陵有酒旨且多
扣門月夜常經過相逢十年後鬢髮各已皤

故交半淪落不飲當如何自幸平生識君早
青袍白馬燕山道腰間寶劍光陸離玉樹春
風映瑤草可憐邂逅初把臂傾懷抱笑語天
涯意氣親矜誇海內英雄少中道寧知岐路
分越禽胡馬各離群遷人南涉瀟湘水游子
東歸海岱雲楚王剛足空懷璧漢主輕儒不
用文艱危萬里頻相憶書札經年那可聞聞
君得意下金鑾御柳宮桃帶醉看車馬香塵
流紫陌聲名一日動長安此時重嶺外悵望
五雲端愁開一起舞懽劇且彈冠黃金臺下
驂騑貴紫桂山中杜宇寒內移汶水游齊魯
歷下風流欣再覩華燭仍驚夢寐時青尊不
盡流離苦丈夫得志起龍蛇狂客當筵賦鸚
鵡由來節操薄時人擬取勲名耀前古斷蓬
流水嘆斯須君宰銓衡入上都王戎簡要傾
朝羨韓愈文章近代無雲霄終躡翼昏夜枉
投珠五馬行淮甸三年握郡符彈鋏時時歸
欲去書空咄咄徒嗟吁今朝快意重携手忽

復揚帆朝北斗 聖主方資經濟賢
雄才豈落尋常後 劉郎且勿行僕夫
莫辭久煩君爲我 倚棹還高歌
余亦爲君盡此盈觴之別酒
逢人謾訪玄都花 過里休栽彭澤柳

題畫

丹青妙意畫莫測 一幅寫盡秋江色
天遠平看楓樹林 雲長不辨鴻飛翼
崖半青松縮夕煙 洞門亂石繞寒泉
羽客看山坐松下 橫琴不語心悠然
孤舟短棹輕波裏 煙雨霏霏笛聲起
蘆葉青搖洲渚風 蓼花紅映江心水
松下舟中俱隱淪 城闐車馬徒紛紛
悵然省識畫中趣 何能歸來江上同鷗群

輓王復齋憲副

昔我總角初有知 聞說襄城王夫子
夫子仙遊今幾年 風采沉湮竟何似
十五胷中富甲兵 二十海內知姓名
絲綸閣下風雨驚 御史臺前冰蘖聲
行法豈知諸貴顯 抗言自視一身輕
從來烈士常坎坷 直道自古多難行
拂

衣歸來無負郭丈夫豪氣寧落莫抱膝常憐
諸葛吟簞瓢獨有顏回樂懷哉夫子不可求
襄山雲物空悠悠

湘水歌并序

我聞越人去國見形似而喜仲尼適齊
聞韶樂而嘆豈不以希音難遇良晤靡
常也哉昔東橋直道謫守湘州賤子多
辜放流桂郡慚非郭李之儔竊幸同舟
竟等參商之迹仍悲各處顧卿懋涵東

橋公之子也乃乙亥正月浮游桂林將
命若翁下迎賤子明晤若神才華如海
素業資于庭訓青年邁乎等夷造霸容
儀豈數令狐之兒過戎良久敢謂嗣宗
之鑒竊附古人托交小友宵談以希旦
夕遊而自期興緒雲長辭氣鋒出冠服
生洞壑之光題咏盡江山之麗氣孚趨
同蘭深膠合此豈徒見似之喜聞樂而
嘆者哉嗚呼飄蓬踪跡不可以常折柳

心清孰不云苦煙渺渺而碧蕪遠花霏
霏而黃鳥鳴迎落日以舉觴逐征雲而
解纜矧予一枝之棲未安萬里之心常
繫惆悵臨江徘徊送遠卿亦莫賴予復
何堪維茲傾城賢士泊吾在門小子咸
覩翔鳳之姿各贈登仙之咏余亦作歌
并序諸首用酬君子青瓊之章敢辭鄙
人白豕之誚乎

湘水綠色波瀾瀾石樹參差岸煙起芳洲蘭
葉搖香風日暮千林萬花紫春無鴻雁隨陽
和晝見獼猴掛薜蘿谷深疑有秦人住澤畔
時聞漁父歌獨愛蘇吳顧虎頭謫官五馬來
湘州郡中無事常高卧忽復乘舟泛碧流醉
邀明月不知返曲奏陽春恒寡酬神檢如君
更清出小顧阿髦誰甲乙陳荀王謝都塵埃
君家一門皆俊才班揚已去蘇李死氣運文
章喜再回德星遠向庭闈聚堂上春陰覆瑤
樹柳山雲物春更嘉翠竹寒泉啼鳥譁昔人

尚有讀書屋君復題詩躡紫霞

章喜孫回詩坐處向氣團聚說上符劍舞記
蘇家一門皆對下海山
良辭出小詩回學
遊田民不
却圍然
味畫
孟有涯集卷之三

孟有涯集卷之四

信陽孟洋合著
七言古詩十八首

鴈門太守行

鴈門城中人阻飢鴈門城外胡馬馳太守從來賢者誰濟南太守今何為往年有田耕未得今日耕田田可食救死年年嗟苦辛講武而今尚餘力郡中政美風俗移山中草長牛羊肥邊城百里塵不飛太守不來民疇依

人日

去年人日潁水濱今年人日長安上白雪清
尊憶故人長烟平樹空遙望苑外寧無楊柳
新水邊不見梅花放天南地北總支離瘦馬
東風倍惆悵

漢宮詞

憶昔妾當二八期正是漢家全盛時九重下
詔擇鸞匹萬國求賢配鳳姿妾身自分非良
質百萬人中叨第一天子親迎出殿廷輔臣
持節下蓬華蓬華輝光異昔年絲蘿延蔓從
今日始知貴戚失金張不許王侯論甲乙一
入金門侍至尊柰何相見不相言紅顏未必
招人妬薄命何堪承主恩主恩深重應難報
妾意殷勤那復論一別謝君面往駕無旋轉
夜夜看星回永巷朝朝望日倚長門長門永
巷春風起萬卉千花鬪芳紫燕子飛過密杏
中黃鶯啼向垂楊裏鶯鶯燕燕各相依戲蝶
遊蜂兩兩飛可憐今日春光好可惜明朝春

又歸鳳輦常時遊上苑羊車無日到重扉豈
干侍御還多寵自是君王有萬幾萬幾閑暇
甘遊獵朝出城南暮城北金鞍玉騎走千軍
羽箭珣弓墮雙翼陌上風光自可嘉宮中粉
黛無顏色離宮一萬所別殿九重深豈有容
華希寵愛更求詞賦感君心何人可托黃金
贈薄情不見白頭吟玳珠簾下閑歌舞且取
歡娛謝愁苦自愛瓊簫引鳳凰自愛金杯度
鸚鵡鸚鵡性能言不得到君前一朝被籠絡
翠羽徒自憐不沐君恩奚足惜不見天顏心
未憚天下昇平主萬年妾身生死良何益

刈麥行

五月五日麥盡黃北阡刈麥東阡忙家家男
婦聚如堵赤日中天汗成雨禾藁登場宜自
歡柰何相顧反愁嘆深耕從昔望豐稔疾風
搖落半枯乾枯乾太半稅不足況是年來無
積粟一春不雨復于茲今歲秋成寧可期舉
家俯仰失依倚官府索錢猶未已盡力窮年

總爲公貧餓雖生不如死須臾言罷各潛然
始信農夫多苦艱車馬饜餐竟何事使我聞
之益厚顏

再過政平飲王介卿宅

七月七日王子宅舉酒談兵對秦月深坐那
知河影移醉歸不覺雞聲發萬里重來慰所
思秋風恰過中元期人生會合亦常有不用
臨岐嘆別離

壽邵黃門母

堂前秋菊黃金枝堂上慈顏頭白垂雲天青
鳥下高宴西降王母從瑤池繁吹劇舞風日
動酒長樂侈山海移母家仙郎青瑣客玉貌
翩翩健雙翩袞職平明侍內庭封事日昏回
左掖却憶常年壽宴開彩衣畫舞北堂隈今
歲清秋逢此日退食臨風望雲立長山遠水
隔承歡况喜高年當七十裂素揮毫開畫圖
明珠光錦出文襦玉桃歲獻蓬萊苑紅日朝
升滄海隅再拜征鴻迤鄉郡丹青白髮常相

近千里長安遊子情
慈闈宛若聆音問
感君盛事萬人傳
一欲登堂不可攀
丈夫顯親在霄漢
豈必跼蹐庭闈間

送先侍御歸養

祿食不代養
繡服詎爲榮
悅親已奮青雲翼
久宦能忘烏鳥情
再疏朝承內庭旨
孤帆暮下長河水
越王臺上起秋雲
目極歸心八千里
江花明江草新
晝呈彩衣舞春醉
白頭人千金不買堂上樂
萬乘難招膝下身
君不見

世人競取拖金紫
厚祿徒將飽妻子

舟過城陵磯悼內兄舊巴陵尹

巴陵原上秋草沒
岳陽城頭挂殘月
嘆逝中宵懷不開
江流嗚咽江猿哀
昔行縣中花今餘道傷柳
可憐勁節胡爾爲
徒取虛名在人
口朝雲爲雨暮歸山
秋燕辭巢春復還
青山玉骨何時起
鬼火妖狐滿蒿里
思君懶入巴陵遊
巴陵道古生百憂

瀟湘行

歲暮浮瀟湘天空豁心目霽日千林開高雲
萬峰簇江色巖霏水郭隈垂蘿飛幌隱樓臺
踈松野寺鍾磬響枯葦沙洲鴻鴈哀風烟奕
奕紛奇狀海賈湖商日流盪浣婦新粧映綠
波漁人密罟拋洪浪年年歲歲此江津今日
人過非昔人曾聞埋沒屈原骨不復飄零賈
誼身楚王宮中罷歌舞十二峰頭泣雲雨岸
上誰家越女謳珠簾羅幕桂堂幽江南本自
山川勝日暮其如客子愁當昔孫吳漢昭烈
衡湘轉戰江流血功臣名將已寂寥石碑銅
柱俱淪滅秦皇威力震羗胡仍迴車駕徧寰
區馳道至今瀟水上秋風惟見白雲孤白雲
孤以飛湘水自南下安得從之亦北旋東園
種竹耕西野

送平樂李太守致仕還汝陽

桂水生炎雨湘山暗夏雲他鄉一見面明日
復離羣垂楊萬縷縈愁思芳草萋萋爾何意
須臾日暮孤帆開別酒千鍾那得醉昔乘五

馬中原來今日還乘五馬歸神明太守有高
譽奔趨白首奚爲哉君不見秦時丞相顯泣
顧中兒憶黃犬君不見漢代淮陰強後車仰
嘆良弓藏曾參殺久惑慈母董龍誰敢呼雞
狗樊籠一躍天地寬榮辱縱橫我何有憐君
髮鬢猶未絲五湖三徑將安歸清泉白石滄
洲夢赤日紅塵誰是非吾州山水連君縣我
住君還淚如綫搖搖旌蓋過吾閭我有雙親
君得見

桂樹行奉壽西巖先生

西巖桂樹青瑤枝花開八月黃金垂西風吹
花渡海水天香散入蓬萊池蓬萊仙人冰縠
衣手揮玉塵飛瓊卮青童翠女雜歌舞鳳簫
龍笛吹參差洪崖擊掌廣成笑長安游宦嗟
年少柱下逃名名始聞金門晦迹光逾耀更
乘五馬適溪山何似青牛入漢關千言不博
萬鍾粟至今大道留人間桑田已見成滄海
玄髮朱顏猶未改鯤轉鵬翻復幾時吳宮晉

闕今何在惟有西巖桂樹根不移年年歲歲
花相待密葉長條凝紫烟江山轉見生光彩

題宋徽宗杏花錦雞圖

北風十月登華堂堂上春光照花樹雪壁熒
熒絢綺霞晴烟拂拂流香霧彩筆誰將奪化
工玕禽艷萼披霜素洛陽殿前仙杏開錦雞
石上矜毛羽出羣畫手近代無趙宋徽宗爲
此圖規規模寫不足數生意真與乾坤符烟
枝露蕊宛堪折戢翼回頭如有呼上林韶華

竟何似滿堂醉眼俱模糊

國朝畫者稱林

良古松蒼鷹乃所長後有呂紀善畫鳥形象
雖工神色少帝王妙思非等閑意態不在丹
青間定知萬里胡沙外貌得關河北鴈還

天馬行同唐荆川太史游普濟寺作

風催白草霜葉丹嶙峋黛色標南極晨起衝
寒恣攀陟捫蘿策杖嗟無力林壑陰森逕轉
迴赤霞掩映青蓮開殿閣參差翠微畔黃金
作戶玉爲臺玉臺金戶通流水門外孤峯插

天起往往飛花下石壇
呦呦馴鹿臨崖涖修
竹長松烟雨間鳴琴
對奕醉忘還回首氤氳
渺城市悠然身世非人
寰江東才子金闈客
遙下天門飛漢節覃恩
中土煥堯文覽勝南
州探禹穴嵩高伊闕剩
遨遊淮汝風烟亦暫
留校書懶臥楊雄閣
作賦常思王粲樓山中
載酒摘毫素盡日謳吟
倚雙樹飛泉寒谷生
光輝珠宮畫壁流雲霧
蹊路欣看天馬過駑
駘學步愧蹉跎凌風逐
電燕臺去懸想瑤階

響玉珂

風木歌

風木悲宿昔哀鳴復今茲
如川繡野無顏色
垂簾浮棟若愁思
春風往日長安道絃管高
堂壽雙老靈椿日映千年
枝丹花露浴忘憂
草仙鳧飛去還復來
蛺蝶雙雙拂羽杯寧知
歲暮寒飈及零落韶華
空草萊入林鳴鳥哀
何切覆屋浮雲陰不開
堂前桂樹秋花紫萬
里香風未云已有祿
不及親在府天涯涕淚

傷游子感君哀思爲君歌風驚木撼柰若何
松栢行爲洞雲張封君雙壽

松栢不生塵路側托根矯節崑崙巔道遠材
高不可致工師仰嘆空垂涎洞雲老翁避世
賢蒼松翠栢同清堅見客常持伏羲易閉門
却草楊公玄弋雁歸來但飲酒白頭相待如
賓友琴瑟在傍歌在口滿庭兒女牽衣走甘
貧無乃梁鴻妻樂隱真偕老萊婦卽有君恩
金紫榮仗藜不廢看南畝遊子金陵宦未回

望雲時上鳳皇臺陶公山前鶴雙下賀監湖
邊花並開欲窮海錯供春饌更接江潮益壽
杯大孝由來不貴養匡時實藉英雄才

送周玉巖侍郎入賀萬壽節

炎天水閣高雲垂陰陰碧樹鳴黃鸝奏簫伐
鼓振林木送客維舟白日移衣冠江上同稽
首仰看文星朝北斗客行直上大明宮拜
舞歡呼萬年壽萬年天子堯舜同華夷皞
皞樂時雍光輝幸際中興日禮樂欣瞻上古

風憶在 先朝不得遇 竄身嶺海迷 烟霧日
月重開二十年 長安文物今非故 余亦同君
近侍臣 白頭飄泊厭風塵 中朝故舊能相問
欲臥滄江老病身

送僉憲李君惟大入關中

秦中昔遊地 西望送行旌 雨雪經淮甸 春風
入洛城 洛陽城中足高彥 君過故里多歡宴
天津橋邊新柳絲 桃林花暖啼鶯徧 紫氣函
關路 青蓮華嶽祠 五陵富貴空流水 四塞烟
塵異往時 使君按節行風俗 白日青雲照巖
谷 雲陽縣前涇水深 召公亭下春蕪綠 中興
天子緩刑威 四海謳歌仰德輝 從容攬轡長
安道 早晚風聲達紫微

題竹山

陶令門前種五柳 風流千古落人間 唐君種
竹竹滿山高標勁節誰能攀 夜清忽送五湖
月 風稍亂拂滄洲 烟徑開只許裴羊過 林臥
寧知嵇阮賢 山中對此須珍重 實甘往往棲

鸞鳳世人那識雪霜姿
廟庭擬作簫韶用

孟有涯集卷之四

書名			
版別	冊數	4	紙
定價	12.00		
編目	宗	字第	735 号

北京市中国書店定價簽

